

**Razvojna banka Federacije
Bosne i Hercegovine
Predsjednik Uprave**

Broj: 5401-III/21
Sarajevo, 09.6.2021. godine

Na osnovu člana 64. stav (1) tačka a), člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14), člana 8. stav (2) tačka d) Pravilnika o uspostavljanju i radu Komisije za nabavke (Službeni glasnik BiH broj 103/14), preporuke Komisije za nabavke iz Zapisnika o pregledu i ocjeni ponuda broj: 5393-XI/21 od 09.6.2021. godine i člana 20. Statuta Razvojne banke Federacije Bosne i Hercegovine, u postupku nabavke usluga održavanja i servisiranja službenih vozila Razvojne banke Federacije BiH marke Škoda i VW, v.d. predsjednik Uprave Banke donosi

ODLUKU

o izboru najpovoljnijeg ponuđača u postupku javne nabavke usluga održavanja i servisiranja službenih vozila Razvojne banke Federacije BiH marke Škoda i VW

I

Prihvata se preporuka Komisije za nabavke iz Zapisnika o pregledu i ocijeni ponuda broj 5393-XI/21 od 09.6.2021. godine i okvirni sporazum za predmetnu nabavku dodjeljuje se ponuđaču AUTODELTA d.o.o. Sarajevo, Bolnička do br. 11, 71000 Sarajevo.

II

Ponuda ponuđača iz tačke I. ove odluke zadovoljava sve uslove utvrđene u predmetnom konkurentskom zahtjevu za dostavu ponuda sa opcijom okvirnog sporazuma sa jednim ponuđačem i Okvirni sporazum će biti dodijeljen izabranom ponuđaču u skladu sa elementima ponude, te uslovima i kriterijima utvrđenim u obavještenju o nabavci i tenderskoj dokumentaciji.

III

Po okončanju roka za žalbu, Ugovorni organ će s izabranim ponuđačem zaključiti okvirni sporazum na procijenjenu vrijednost nabavke, kojim će regulisati međusobna prava i obaveze.

IV

U skladu sa odredbama člana 70. stav (6) Zakona o javnim nabavkama, Ugovorni organ će objaviti ovu odluku na svojoj web stranici www.rbfbih.ba, istovremeno s upućivanjem iste ponuđačima koji su sudjelovali u ovom postupku.

V

Ova odluka stupa na snagu danom donošenja i dostavlja se ponuđačima koji su sudjelovali u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom broj 4769-III/21 od 24.5.2021. godine, odobreno je pokretanje postupka javne nabavke usluga održavanja i servisiranja službenih vozila Razvojne banke Federacije BiH marke Škoda i VW za period od 12 mjeseci. Javna nabavka je provedena putem konkurentskog zahtjeva za dostavu ponuda, a kriterij za dodjelu okvirnog sporazuma/ugovora je ekonomski najpovoljnija ponuda.

Procijenjena vrijednost nabavke iznosi 15.000,00 KM.

Obavještenje o nabavci predmetnih usluga objavljeno je na Portalu javnih nabavki dana 26.5.2021. godine, broj obavještenja: 1011-7-2-291-3-15/21.

Tenderska dokumentacija objavljena je zajedno sa obavještenjem.

Odlukom Ugovornog organa broj 2715-III/21 od 24.3.2021. godine imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Komisija nadležna za provođenje predmetnog postupka, saglasno članu 65. Zakona o javnim nabavkama, sačinila je Zapisnik o pregledu i ocjeni ponuda broj 4252-XI/21 od 06.5.2021. godine u kojem je utvrđeno da su pravovremeno pristigle 3 (tri) ponude:

Ponuda ponuđača Autodelta d.o.o. Sarajevo, Saradis d.o.o. Sarajevo i Automerc Škoro d.o.o. Kiseljak P.J. 3 Sarajevo.

Komisija nadležna za provođenje predmetnog postupka, sačinila je Zapisnik o pregledu i ocjeni ponuda broj 5393-XI/21 od 09.6.2021. godine koji je prilog ove Odluke i u kojem je utvrđeno sljedeće:

- ponude ponuđača Autodelta d.o.o. Sarajevo i Saradis d.o.o. Sarajevo su prihvatljive,

- ponuda ponuđača Automerc Škoro d.o.o. Kiseljak P.J. 3 Sarajevo je neprihvatljiva iz sljedećeg razloga:

- Ponuđač Automerc Škoro d.o.o. P.J. 3 Sarajevo je u ponudi dostavio izjavu o ispunjenosti uslova iz člana 45. Zakona o javnim nabavkama BiH (Aneks III) koja nije ispunjena i ovjerena u skladu sa tačkom 12. tenderske dokumentacije.

Tačkom 12. tenderske dokumentacije definisano je sljedeće:

„Izjava mora biti popunjena, potpisana od strane odgovornog lica ponuđača ili lica ovlaštenog za podnošenje ponude (u tom slučaju u sastavu ponude dostaviti original ili ovjerenu kopiju ovlaštenja/punomoći) i ovjerena kod nadležnog organa za ovjeru dokumenata (organ uprave ili notar) i ne smije biti starija od dana objave obavještenja o nabavci“.

Naime, u izjavi (Aneks III) koja se ovjerava kod nadležnog organa upisani su podaci osobe Vanje Sabo, koja je izjavu dala i potpisala, te kao takva ovjerena u Općini Novi Grad Sarajevo.

Izjavu o ispunjavanju uslova iz člana 45. Zakona o javnim nabavkama BiH daje i potpisuje ovlaštena osoba koja predstavlja ponuđača.

U slučaju da izjavu daje i potpisuje drugo lice u ime ponuđača po punomoći, te kao takvu ovjerava kod organa Uprave, u sastavu ponude potrebno je da se nalazi original ili ovjerena kopija punomoći ukoliko je potpisnik ponude lice ovlašteno po punomoći od strane ovlaštenog zastupnika ponuđača (kako je navedeno u tački 12. tenderske dokumentacije), što se, u konkretnom slučaju nije desilo.

U ponudi nije dostavljena punomoć za prethodno navedenu osobu, niti bilo koji dokument kojim je osoba navedena u izjavi ovlaštena da predstavlja ponuđača.

Isto se odnosi na izjavu o nepostojanju sukoba interesa u skladu sa članom 52. Zakona o javnim nabavkama i u skladu sa tačkom 18. tenderske dokumentacije.

Iz prethodno navedenih razloga, a u skladu s članom 68. stav (4) tačka i) ponuda se odbacuje, jer ista nije potpuna i ne ispunjava zahtjeve iz tenderske dokumentacije.

Broj bodova izračunatih na osnovu potkriterija utvrđenih u tenderskoj dokumentaciji i rangiranje prihvatljivih ponuda (kriterij za dodjelu ugovora je ekonomski najpovoljnija ponuda) prikazan je kako slijedi:

R. Br.	Ponuđač	Bodovi za cijenu (P)	Bodovi za operativni trošak/udaljenost servisa (O)	Ukupan broj bodova T=P+O	Rang
1.	AUTODELTA d.o.o. Sarajevo	70	30	100	1
2.	SARADIS d.o.o. Sarajevo	57,39	9,62	67,01	2

U postupku donošenja ove odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponuda, u skladu sa kriterijima iz tenderske dokumentacije.

Procijenjena vrijednost nabavke-usluga održavanja i servisiranja službenih vozila Razvojne banke Federacije BiH marke Škoda i VW iznosi 15.000,00 KM bez PDV-a i na ovaj iznos će Ugovorni organ zaključiti okvirni sporazum na 12 mjeseci, računajući od dana stupanja okvirnog sporazuma na snagu do gornjeg praga vrijednosti do kojeg Okvirni sporazum pojedinačnim ugovorima može biti iscrpljen/iskorišten, odnosno do ispunjenja ugovorene cijene (bez PDV-a) ako se ugovorna obaveza izvrši u kraćem roku.

Imajući u vidu sve prethodno navedeno, a prvenstveno da je ponuđač AUTODELTA d.o.o. Sarajevo dostavio u predmetnom postupku javne nabavke prihvatljivu ponudu u skladu sa tenderskom dokumentacijom, koja je, prema kriteriju za izbor ponude (ekonomski najpovoljnija ponuda) ocijenjena najpovoljnijom, te ispunjava sve uslove i zahtjeve predviđene konkurentskim zahtjevom za dostavu ponuda, primjenom člana 64. Zakona o javnim nabavkama stav (1) tačka a) i člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14) odlučeno je kao u dispozitivu ove odluke.

Pouka o pravnom lijeku: Protiv ove Odluke može se izjaviti žalba u pisanoj formi Ugovornom organu-Razvojnoj banci Federacije BiH, Igmanska 1, 71000 Sarajevo najkasnije u roku od 5 (pet) dana od dana prijema ove Odluke, saglasno članu 97. 99. i 101. Zakona. Žalba se podnosi u najmanje 3 (tri) primjerka.



v.d. predsjednik Uprave

dr. sc. Semir Fejzić

Dostaviti:

- Učesnicima u postupku